

WISCONSIN BAGERCARE FACT SHEET



Kev Povhwom Mob Nkeeg Rau Cov Tsevneeg Ua Haujlwm

BadgerCare yog lub xeev Wisconsin ib qho kev pabcuam rau cov tsevneeg ua haujlwm uas muaj menuam. BadgerCare muab kev povhwom mob nkeeg (health insurance) rau cov tsevneeg ua hauj lwm uas muaj:

- Cov menuam hnub nyooq 19 xyoos rov hauv (txawm tias lawv twb sib yuav lawm);
- Niamtxiv uas tseem nyob nrog lawv cov menuam hnub nyooq 19 xyoos rov hauv;
- Txijnkawm ntawm cov niamtxiv uas tseem nyob nrog lawv cov menuam hnub nyooq 19 xyoos rov hauv;
- Cov tsevneeg uas muaj menuam hnub nyooq 19 xyoos rov hauv uas tsis muaj kev povhwom mob nkeeg 3 lub hlis dhau los;
- Cov tsevneeg uas muaj menuam hnub nyooq 19 xyoos rov hauv uas tsis muaj kev povhwom mob nkeeg los ntawm lub chaw ua haujlwm li 18 lub hlis dhau los; thiab
- Cov tsevneeg muaj menuam hnub nyooq 19 xyoos rov hauv uas tau nyiaj txog lossis tsawg tshaj 185% ntawm tsoomfwv tus ntsuam kev txomnyem ([Federal Poverty Level](#)). Thaum koj tau kev pab ntawm BadgerCare lawm, koj Yuav tau kev pab mus txog hnub uas koj cov nyiaj tshaj 200% ntawm FPL.

Nws tsis muaj qhov suav cov khoom vaj khoom tsev muaj nqes (asset limit) hauv BadgerCare.

Cov Neeg Hauv Tsevneeg Uas Ua Haujlwm

Thaum ua ntawv thov BadgerCare, cov neeg hauv tsevneeg uas ua haujlwm yuav tsum qhia lawv tej nyiaj tau los thiab kev povhwom mob nkeeg uas lawv tau tom chaw ua haujlwm. Cov Yam xwm no yuav muab qhia tau rau hauv daim Employer Verification Forms (EVF), uas yuav muab xa tuaj rau koj tom qab koj thov BadgerCare. Yog tsimnyog tau txais BadgerCare, koj Yuav tau muaj ntaub ntawv povthawj txog tej nyiaj tau los thiab kev povhwom mob nkeeg thaum rov qab muaj kev ntsuam xyuas tas xyoo thiab thaum koj hloov haujlwm. Yog tias koj xav siv lwm txoj kev los qhia txog tej nyiaj tau los thiab tej kev povhwom mob nkeeg, hu rau qhov chaw pabcuam hauv koj lub zos.

Kev Povhwom Mob Nkeeg

- Yog tias koj qhov chaw ua haujlwm them tsawg tshaj 80% ntawm qhov koj them rau kev povhwom mob nkeeg txhua lub hlis, koj yeej tseem tau txais BadgerCare thiab.
- Yog tias koj qhov chaw ua haujlwm them txog 80% rov saud ntawm qhov koj them rau kev povhwom mob nkeeg txhua lub hlis, koj Yuav tsis tau BadgerCare lawm.
- Yog koj muaj lwm Yam kev povhwom mob nkeeg, koj Yuav tau tos peb lub hlis tom qab uas qhov kev povhwom mob nkeeg ntawd tu lawm ua ntej koj Yuav tau txais BadgerCare, tshwj tias koj kev povhwom mob nkeeg tu vim muaj tej Yam uas tsimnyog xwb.

Piv txwv rau tej Yam uas tsimnyog yog:

- Poob haujlwm (ntshai yog koj tawm koj tus kheej xwb),
- Poob haujlwm vim qhov koj ua tsis taus haujlwm vimchij muaj mob lossis raug mob,
- Hloov mus ua dua ib txog haujlwm tshiab uas tsis muaj kev povhwom mob nkeeg,
- Tas kev pabcuam los ntawm COBRA,
- Tas kev pab pov hwm mob nkeeg vim cov sij hawm ua haujlwm raug txo,
- Tas cov kev pab los ntawm qhov chaw ua haujlwm uas muab rau txhua tus neeg ua haujlwm.

Tus Nqi (Premiums) Thiab Qhov Pab Them (Co-Payments) Rau BadgerCare

Tej zaum koj Yuav tsis tau them tus nqi (premium) li. Tiamsis yog koj raug them, tus nqi koj Yuav them tsuas xam raws koj tsevneeg cov nyiaj tau los xwb.

Yog tias koj tsevneeg cov nyiaj tau los tsawg tshaj 150% ntawm FPL, koj Yuav tsis tau them tus nqi (premium). Yog tias koj tsevneeg cov nyiaj tau los ntawm tshaj 150% ntawm FPL, koj Yuav tau them tus nqi tiamsim tus nqi Yuav tsis tshaj 5% ntawm koj tsevneeg cov nyiaj tau los.

Koj yuav tsis tau them qhov pab them (co-payment) yog hais tias nws yog tus nqi kho mob rau tus menuam hnub nyooq 18 xyoos rov hauv lossis yog tias koj koom rau hauv ib lub BadgerCare HMO. Cov uas tsis koom rau hauv ib lub HMO li tej zaum yuav raug them qhov pab them (co-payment).

Koom Rau Hauv Ib Lub HMO

Cov tsevneeg uas tau txais BadgerCare feem ntau yeej koom rau hauv ib lub HMO twg. Tiamsis, BadgerCare kam them tus nqi (premium) rau tsevneeg mus koom nrog lub chaw ua haujlwm kev povhwm mob nkeeg yog tias tus nqi ntawd pheejiyg tshaj.

BadgerCare Yuav Pab Ceev Kom Koj Tsevneeg Noj Qab Haus Huv

Nrog rau BadgerCare, koj tsis tas pheejiyg yuav kav liam koj tus mob kom ceev tau nyiaj. Koj kev noj qab haus huv yog txoj kev kajsiab rau koj tej menuam. Tejzaum kuj muaj tej lub caijnyoog ua rau tsevneeg muaj kev nyuaj, xws li muaj mob lossis muaj nuj nqi ntau them uas tsis faj txog. Tej yam zoo li no, BadgerCare yuav pab tau kom koj thiab koj tsevneeg noj qab haus huv.

Cov Kev Pab Cuam Hauv BadgerCare

BadgerCare cov kev pab zoo ib yam li cov kev pab nyob hauv Medicaid. Cov uas BadgerCare pab yog:

- Kev tivthaiv mob nkeeg xws li mus cuag kws kho mob, soj ntsuam menuam hauv plab, soj ntsuam mob thiab txhaj tshuaj
- Kho qhovmuag (nrog rau iav qhovmuag)
- Cov tshuaj uas tau ntaub ntawv los ntawm tus kws kho mob
- Kev caiv tsis pub muaj menuam thiab cov khoom siv caiv
- Kev pab hais lus, kev pab xyab cev, thiab kev pab kom rov qab ua taus haujlwm
- Kev kho puas siab puas ntsws
- Tej khoom siv kho mob
- Nqi pw hauv tsev kho mob
- Kho pobntseg kom hnov lus (nrog rau cov looj pobntseg)
- Tshuaj ntshav tshuaj zis thiab xoo faisfab
- Kho hniv
- Nqi tsheb thauj mus kho mob

Yog Xav Paub Ntxiv:

- Nug Recipient Services hauv 1-800-362-3002 (Muaj TTY thiab kev pabcuam txhais lus.), lossis
- Hauv tsoom fwv qhov chaw pab cuam hauv koj lub zos (county/tribal) tsis hais yuav thov hauv xovtooj, xa ntaub ntawv mus, lossis mus cuag koj tus kheej.
- Mus xyuas Medicaid/BadgerCare qhov web site ntawm <http://dhfs.wisconsin.gov/badgercare/index.htm> lossis <http://dhfs.wisconsin.gov/medicaid1/index.htm>.
- Tsoomfwv Tus Ntsuam Kev Txomnyem qhov web site <http://dhfs.wisconsin.gov/medicaid1/fpl/fpl.htm>.



The Department of Health and Family Services yog ib tus tswv muab vaj huam sib luag rau sawv daws txog kev ua hauj lwm thiab kev pab cuam. Yog tias koj lub cev tsis meej xeeb pem (tu tes tu taw, tsis pom kev, tsis hnov lus) thiab xav kom tau cov lus no lwm yam li cas, los sis xav kom txhais tej ntaub ntawv ua lwm hom lus, thov hu rau (608) 266-3356 (suab) los sis 1-888-701-1251 (TTY). Kev pabcuam txhais tej ntaub ntawv yog pab dawb xwb.

Yog koj muaj lus nug txog neeg txoj cai hu rau (608) 266-9372 (suab) los sis 1-888-701-1251 (TTY).

